

Красноярск ГЭС тосхлгънд

КРАСНОЯРСК, (ТАСС). Дөрвн сар хооран автосамосвалин шофер Алексей Прокопович Енисейд түрүн болдж ик хад чолу хайсмн. Терүнäs нааран зүн эргин котлована перемычкд олн зун минъгън кубометр чолун хайгдв. Чолуна ондр боодг Енисей голин тал дунднь күрв.

Перемычкиг дүүргдж бөгллгън Красноярск ГЭС тосхлгъна голлгч көдлмш экллгън болджана. Энүг хаврин усн ортл төгсэх кергтэ болдж-

ана. Ода зуугъад механизатормуд эврәннь даалгъвран давулдж күцэ-дж йовцхана.

Ондртән 100 метр даву плотин тосххин төлэд дала ик бетон кергтэ болджана. Терүг автоматизированн күчтэ заводмуд өгхмн. Эдниг тосхх газринь бульдозеристнр белдджәнэ.

Эн өдрмүдт хаалгъ тосхачнрин көдлмшнь икдв. Енисейин мөсәр эдн Дивногорскас тосхлтин площадк күртл автомобильн хаалгъ гаргъв.